

# Archifdy ac Amgueddfa Bwrdeistref Sirol Wrecsam Prosiect Treftadaeth Gymunedol Wrecsam

Newyddion Treftadaeth

Cyhoeddiad Rhif 3



Paratoi sylfeini'r estyniad gwydrog newydd

## Dynion Wrth Eu Gwaith: Newyddion o'r Safle

Ers i'r gwaith ddechrau ar 8fed Mawrth, mae'r prif contractwr ISG wedi bod yn brysur yn tynnu rhai o'r ychwanegiadau diweddarach at yr adeilad, yn benodol y rhai a ychwanegwyd gan y Coleg Celf pan oedd yn yr adeilad yn y 1980au. Wrth wneud hynny maent wedi dadlennu rhai cipolygon ar fywyd cynharach yr adeilad, fel barics Milisia Sir Ddinbych (1857-1877) ac fel gorsaf heddlu a llys (1879-1976).

Ym mlaen yr adeilad ar y llawr isaf tu ôl i'r bwâu, wrth dynnu nenfydau cymharol ddiweddar y Coleg Celf dadlennwyd tameidiau o nenfydau brics bwaog cynharach rhes o bum cell yr heddlu. Dyndod arall oedd darganfod nenfydau'r barics bron yn gyfan gyda thrawstiau siamffr anferth a'r plaster gwreiddiol. Ein bwriad yw cadw ac arddangos y nodweddion gwreiddiol hyn ble bynnag y bo modd. I fyny'r grisiau, datgelwyd olion o bapur wal mewn ystafelloedd oedd unwaith yn gartrefi i'r milisia neu swyddogion heddlu a'u teuluoedd.

Bydd y prif contractwr yn gorffen ei waith tua diwedd mis Awst, pan fydd y gwaith i osod yr orielau arddangos newydd yn dechrau.



Bwa brics o nenfwd bwaog un o hen gelloedd yr heddlu

## Merched yn y Rhyfel - Rhodd Ddiweddar

Fel holl amgueddfeydd rydym yn dibynnu ar roddion o bethau gan y cyhoedd i greu casgliad sy'n hanesyddol ddiddorol a pherthnasol i fywyd ym Mwrdeistref Sirol Wrecsam. Felly, roeddem yn falch iawn yn ddiweddar o gael eitemau cysylltiedig â bywyd anhygoel Mrs Margaret (Peggy) Ellis. Ymhlith yr eitemau hyn mae dwy fantell nyrsio, oedd yn ffurfio rhan o wisg Margaret fel nyrs yn yr Ail Ryfel Byd.



Mantell nyrs, rhodd garedig Mrs Margaret Ellis

Ar ôl cael ei magu yng nghartref plant amddifad Berse Drelincourt, ychydig y tu allan i Wrecsam, cyflawnodd Margaret ei breuddwyd o ddod yn nyrs trwy hyfforddi yn Bury Infirmary, Swydd Gaerhirfryn. Fodd bynnag, yn 1939 cyhoeddwyd rhyfel, a chofrestrodd Margaret yn 23 oed yng Ngwasanaeth Nyrsio Milwrol Ymerodrol y Frenhines Alexandra. O fewn diwrnod neu ddau roedd Margaret yng ngogledd Ffrainc, lle cafodd brofiad o arswyd rhyfel yn uniongyrchol wrth ymgeleddu'r milwyr. Bydd y rhoddion hyn yn galluogi inni rannu stori Margaret gyda chenedlaethau a ddaw.

## Mwy o newyddion ar gael yn [www.wrecsam.gov.uk/amgueddfeydd](http://www.wrecsam.gov.uk/amgueddfeydd)

- Hanes Byw!! Dydd Sul 1af Awst 2010
- Cylchdaith ar-lein o Adeiladau'r Sir

